

IKASLEENTZAKO INFORMAZIO ORRIA (2018-19 IKASTURTEA)

VITAL Fundazioak, Gasteizko IKArekin elkarlanean, 10.000 € emango du, **18-25 urte bitarteko gazteek** euskara ikasteko BEKAK finantzatzeko asmoz, eta, horretarako, matrikularen kostuaren zati bat ordainduko die ikasleei. Proiektu honen helburuak honakoak dira:

- Arabako gazteei formazioa hobea eta osatuagoa lortzen lagundu.
- Lan munduan sartu ahal izateko, tresna garrantzitsua eskaini.
- Gazteen arteko formazio aldeak murriztu.
- Euskararen ezagutza eta erabilera sustatu.
- Euskal kultura ezagutarazi.

Hori guztia lortu ahal izateko, honako ikastaro hauek bultzatu nahi dituzte VITAL Fundazioak eta Gasteizko IKAK, helburu horietara hobekien egokitzen direlakoan:

- Euskaltegian euskara maila handitzeko eta akreditatzeko 5 eta 3 orduko ikastaroak goizetan, 2018ko urritik 2019ko ekainera bitartean.
- Euskaltegian euskara maila handitzeko eta akreditatzeko 5 orduko ikastaroak goizetan eta 4 orduko ikastaroak arratsaldeetan, 2018ko urritik 2019ko otsail edo martxo bitartean.

Beken diru kopuruak hauek izango dira:

ERRITMOA	MAILA	PREZIOA	BEKA	IKASLEAREN KUOTA*
5 ordu urria-ekaina Gasteiz euskaltegian	A/B	1.697 €	500 €	1.197 €
	C1	1.751 €	500 €	1.251 €
3 ordu urria-ekaina Zaldiaran euskaltegian	A/B	1.029 €	300 €	729 €
	C1	1.071 €	300 €	771 €
5 ordu urria-otsaila Gasteiz euskaltegian	A/B	945 €	275 €	670 €
	C1	968 €	275 €	693 €
4 ordu urria-otsaila Gasteiz euskaltegian	A2/B1	621 €	200 €	421 €
	B2	756 €	220 €	536 €
	C1	1.027 €	300 €	727 €

* AFaren deskontua, hala badagokio, kontuan hartu gabe

Ikasleek bete beharreko baldintzak:

- 18-25 urte bitartekoa izatea (1993-2000 bitartean jaioak).
- Beka-eskaria bete eta matrikula-orriekin eta ordainagiriarekin batera entregatu euskaltegian.
- Matrikula egitea euskaltegiak jarritako epearen barruan, hau da, irailaren 3tik 21era (matrikula-orriak beteta eta ordainagiria euskaltegiatiko bulegoan ematea).
- Konpromiso-idazkia sinatzea. Bertan ikastaroa aprobetxamendu onaz amaitu eta % 80ko asistentzia beteko duelako konpromisoa hartuko du.

Konpromiso idazkia:

- Ikasle bekadunak ikastaroa aprobetxatu eta % 80ko asistentzia edukiko duelako konpromisoa hartu behar du.
- Era berean, ikasle bekadunak Gasteizko IKArri baimena emango dio haren ikastaroaren jarraipen didaktikoa VITAL Fundazioari emateko.
- Azkenik, ikasle bekadunak "konpromiso idazkian" hitzartutako betekizunak bete ezean, VITAL Fundazioari esker deskontatutako diru kopurua itzuli behar du, eta horretarako transferentzia geroratu bat onartu beharko du.

Prozedura:

Irailaren 21etik aurrera eskaera guztiak aztertu eta, ezarritako irizpideen arabera, VITAL Fundazioak eta Gasteizko IKAK erabakiko dute nor izango diren onuradunak. Era berean, 8 ikasle erreserban geldituko dira, gerta daitezkeen bajak betetzeko.

Irailaren 28 baino lehen, bekadunei, erreserban geldituko direnei eta beka ukatu zaienei emango zaie horren guztiaren berri.

Bekak banatzeko irizpideak:

1. IRIZPIDEA: Ikastaroaren iraupena eta trinkotasuna kontuan hartu:
 1. AUKERA: 2018ko urritik 2019ko ekainera bitarteko 5 orduko ikastaroak hautatzea.
 2. AUKERA: 2018ko urritik 2019ko ekainera bitarteko 3 orduko ikastaroak hautatzea.
 3. AUKERA: 2018ko urritik 2019ko otsailera arteko 5 orduko ikastaroak hautatzea.
 4. AUKERA: 2018ko urritik 2019ko otsailera arteko 4 orduko ikastaroak hautatzea.
2. IRIZPIDEA: Euskara maila apalenekoak lehenetsi.
3. IRIZPIDEA: Matrikula egin den data kontuan hartu. Lehenengo eta bigarren puntuetako baldintzak beteta, egoera berean egonez gero, matrikula egindako dataren arabera esleituko dira bekak.

Oharra: Ikasle bekadunak talderik edukiko ez balu, VITAL Fundazioak eta Gasteizko IKAK beste aukera batzuk eskainiko lizkiokete (bestelako erritmoa, ordutegia...).

Prozesuan edozein gorabehera egongo balitz, VITAL Fundazioak eta Gasteizko IKAK azken erabakia hartzeko ahalmena izango lukete.

Ordaintzeko moduak:

Matrikulazioa euskaltegian egin, hau da, matrikula orria bete eta ikastaroari dagokion diru kopurua ordaindu izanaren agiria euskaltegietako bulegoan eman. Ikastaroaren prezioa kalkulatu eta ordaintzeko, bi aukera:

- 1.- **Dena batera** ordainduz gero, AFaren diru laguntza eta VITAL Fundazioaren bekaren kopurua deskontatuko dira. (Laboral Kutxaren finantzazio sistemaren bidez eginez gero, berdin jokatuko litzateke).
- 2.- **Epeka** ordainduz gero, lehenengo epean VITAL Fundazioaren bekaren kopurua deskontatuko da, eta bigarrenean, AFaren deskontua ezarriko da.